

պետք չունեն, որովհետեւ էլ գողեր չկան: Կարող ես գլխիդ ոսկի դնել եւ աներկիւղ ուր որ ուզում ես գնալ: Ամէն տեղ ապահովութիւն է տիրում: Թե՛ աղքատի խրճիթից, թե՛ հարուստի տնից միայն աղօթք ու գոհութիւն է լսւում: Ոչինչ դժգոհութիւն չկայ:

Միշտ միեւնոյն զգոելի շողոթորթութիւնները, միշտ միեւնոյն անվերջ կեղծաւորութիւնները չափ չունեին: Եւ այդ շողոթորթութիւնների մէջ պետք էր որոնել երկրի գլխաւոր թշուառութիւնը: Ես այժմ կատարելապէս հասկանում էի այն ճառի ճշմարտութիւնը, որ Ասլանը կարդաց ինձ եւ Մարօին Ս. Տիրամօր տօնախմբութեան ժամանակ, թէ որպիսի վնասակար դեր են խաղում ժողովրդի ներկայացուցիչները նրա անբախտ վիճակի մէջ: Այն ժամանակ ես լսում էի միայն խօսքեր, թէ ի՞նչ է անում կղերը, կառավարութեան պաշտօնեան, դրամատերը, եւ դրանց նմանները, իսկ այժմ տեսնում էի նրանց կենդանի տիպարները: Դիցուք թէ, Ասլանը լինէր մի կոնսուլ, մի պաշտօնական անձ, որ ուղարկուած էր երկրի դրութիւնը քննելու: Նա խօսէր մտնի գիւղացու խրճիթը, Նա խօսէր դիմի սոված քաղաքացուն: Նա ամէն տեղ կը հանդիպէր այդ տեսակ շողոթորթների եւ ի՞նչ գաղափար կարող էր կազմել երկրի դրութեան մասին: Ի հարկէ, լաւ: Նոյնիսկ երկրի բարձր կառավարութեան ամօքէ՝ այդ մարդիկը վնասակար դեր են խաղում: Երբ հարստահարոածների բողոքը հասնում է մինչեւ Բարձրագոյն Դուռը, երբ գանգատւում են փաշային, մուղուրի, գայմագամի կամ այս եւ այն անիրաւ զեղծումների մասին, տեսար, ահա հաւաքեցան շողոթորթները եւ, հակառակ բողոքագրին, մի շնորհակալութեան հանրագիր կազմեցին եւ ուղարկեցին Պոլիս: Ամէն բան քանդուում է: Հարստահարոածների ձայնը խեղդւում է, որովհետեւ շողոթորթներին անելի են հաւատում, որովհետեւ նրանք են ժողովրդի ներկայացուցիչները, նրա «երեւելիները»: Դրանց շահերը կապած են երկրի կեղեքիչների շահերի հետ, շատ հասկանալի է, որ նրանց անիրաւութիւնները կը պաշտպանեն:

Ասլանը, երեւի, չկարողացաւ իրան զսպել, ասաց.

— Անկարգութիւններ, այսոամենայնիւ, պատահում են: Իմ անցնելու միջոցին, Պարսկաստանի սահմանագծի վրայ, սարսափելի բարբարոսութիւններ էին կատարուել: Զրդերի ջալալի կոչուած ցեղը անցել էր սահմանը եւ պարսից հողի վրայ այրել էր տասնից անելի հայոց գիւղորայք: Նրանց անասունները աւարի էին առնուած, հովիւներին կոտորել էին: Այդ աւազակութիւնները այն աստիճան երկիւղ էին տարածել շրջակայքում, որ քարաւանների երթեւեկութիւնը բոլորովին դադարած էր. հունձերը մնացել էին անխնամ, երկրագործները չէին համարձակւում դաշտ դուրս գալ: